

فائزہ مخصوصہ

در سعادتندہ باب عالی جوار بندہ

محل ادارہ :

میراث القلم

۱۳۲۶

اخطار :

مسکمزہ موافق آثار جدیدہ مع المنویہ
قبول اور انور

درج ایڈیٹین آثار اعادہ اور انور

دینہ، فلسفہ، علوم، حقوق، ادبیات و سیاسیات و بالخاصہ کرم سیاسی و کرم اجتماعی و مدنی احوال و مشورہ اسلامیہ و بحث ایمر و نہی و ہفت روزہ بر نشر انور.

آبونہ بدلی

سنہ لکی

القی آیلنی

ممالک عثمانیہ ایچون	۸۰	۴۰	غروش
روسیہ	»	۳۰۵	روبلہ
سائر ممالک اجنبیہ	»	۱۷	فرانق

صاحب و مؤسساری :

ابوالعلا زین العابدین - ح . اشرف ادیب

تاریخ تاسیسی

۱۰ تموز ۳۲۴

در سعادتندہ نسخہ سی ۵۰ پارہ در

قیرلہ دن مقوا بودو ایله گوندریلیرسه سنوی

۲۰ غروش فضلہ آلنیر

عدد : ۷۸

۲۱ صفر الخیر ۳۲۸ پنجشنبه ۱۸ شباط ۳۲۵

اوجنچی جلد

ایتم که مجبور قاله جقدر. مع مافیہ اسپانیانک ضایعاتی نهایت بر انکسار خیالین عبارت اوله جغندن اصل خنچرک فاسک قلبنه صابلا نه جفی درکاردره، المانیا بویله بر تشبده بولمق ایچون شبهه سزدرکه فرانسه نیک موافقتی خفیاً بر قارشیلق تأمین ایدرک استحصال ایلشددر. افغانستاندن ماعدا حکومت اسلامیة حتمده میندولاً استعمال ایدلمکده اولان تمامیت ملکیه قضیه سنی فاس ایچون تحت تأمینه آلان الجزیره، مقررانتک احکامی ایکی قوی اراسنده، متساویاً اخلال اولنورسه طبیعی بر سیراتی ظهور ایتمز. امضا صاحبیری کندیلری ازعاج اولنماق شرطیله هر شیئی خوش کوریویوررلر. اوروپانک موازنه سنده کی اهمیتندن حقوق دول علماسنک کمال آب و تاب ایله بحث و تشریح ایدیه کلیکده اولدقلری برلین معاهده سنی احکامنه قارشلی صوک زمانلرده کی تجاوزات ایله نتایجی میدانددر: برایکی شدیدالمال نطق، متلاشیانه تلاقیر، صیقی فیقی مذاکره، ضعیفه صبر و تحمل توصیه سنی و قوتلی بولنماسندن طولانی سرزنش لر، قوی نیک بوبورلنمی اوزرینه اوروپانک فدیة صاحبی اولق اوزره امر واقعک تصدیقی و نهایت پارلمنتولرده تشبثات واقعه یی صلح عالم ایچون برضمان قوی کوستره رک اعلان مباهات ...

فاس حکومتی پارس و برلین معاهده لرینک بویولده کی عواقبی و الجزیره مقررانتک نامزد بولنمدینی نتایج مماثلهی درپیش ایدرک عبرت بین و متبصر اولمی و مملکتی شاهراه ترقی یی ایصال ایدیه جک اصلاحات ایچون بر آن اول تشمیرساق غیرت ایتملیدر. یوقسه احوال و استقبال بک مظالمدر. حکومت موجوده اسلامیة نیک الی قدیمی بولنان فاس دولتک یکرمنجی عصرده میلیونلرجه نفوسدن مرکب اولدینی حالده تحت اسارت کیرمی بتون عالم اسلامه غیر قابل التیام بر جریحه اولور.

امیر عبدالحفیظ حضر تلرینک ذکا و بصیرت لرندن امید ایدرز که فاسک کچیرمکده اولدینی شو بحرانلی دقیقه لرده درعهده ایلدکاری وظیفه نیک درجه مسئولیتی تقدیر ایدرلرده بر ایکنجی ابو عبدالله الصغیر اولمقدن حذرآ محافظه موجودیت ایچون ایجاب ایدن تکاملات مادیه و معنوی یی تأمین ایدیه جک اسباب و وسائله بر آن اول تشبث بیوررلر.



تونس

هفته ایچنده انتشار ایدن رفقا مرنک استحصال و نشر ایلدکاری معلوماته کوره دولت علیه عثمانیه نیک آیالات مختاره سندن بولنان تونس ایله طرابلس غرب ولایتی بیننده کی حدودک لزوم تحدیدن متولد فرانسه ایله آرامزده تحوٹ ایدن اختلافک بو دفعه دولتیزک نقطه نظری محافظه اولمق صورتیله نتیجه نندیکی آکلا شلمقده در.

حکومت مرنک بومسئله ده فرانسه یی مخاطب طانیه میه جغندن طولانی تحدید حدود قومیسسیونه تونس طرفندن مأمور اوله جق ذواتک والی ایالت جانبدن تعیین اقتضا ایدیه جکی اساسنه دائر اولان نقطه نظری فرانسه حکومتی قبول ایلشددر.

ناقابل الذراسی اسلامیة هر بریمز دائماً مدافع مستقلی اولدیغمز و اوله جغمز ی و تدریس ایلدیگمز علوم و فنون ایله حقایق اسلامیة نیک نظر مزده بر قات دها تعالی ایلدیگنی علناً بیان و وجاب حقیقی ایتان ایلرز. فی ۵ شباط سنه ۳۲۵

مکاتب عالیہ نامنه

دارالفنون حقوق شعبه سنی منتهی صنفندن علاءالدین جیل، دارالفنون ادبیات شعبه سندن مأذون حقوق شعبه سنی مداوم لرندن احمد نوری، دارالفنون صنایع نفیسه شعبه سندن معمارزاده محمد علی، مکاتب عالیہ دن جلال، حقوق منتهی صنف طلبه سندن ح. ابراهیم، حقوق ایکنجی سنه مداوم لرندن حامی عثمان، مکاتب عالیہ نامنه ع. کمالی، طبیه دن اسماعیل حق، مکاتب حقوق منتهی صنفندن ابراهیم علاءالدین، مکاتب حقوقدن علی جمال، حسن حسین، حسن فهیمی، طبیه دن بشکطاشلی علی رضا، محمد نوری، نهاد، احسان، حسین کاظم، احمد راغب، مکاتب عالیہ نامنه ص. غالب، حقوقدن کاظم، نوری عالی، حسین حسنی، نوری، بروسلی سلیمان فهیمی، شاملی ابراهیم حق، مکاتب حقوقدن ناهید، دارالفنوندن سلیمان، صنایع نفیسه دن نظارالدین، منتسبین حقوقدن ابراهیم، مکاتب حقوقدن محمد صفی الدین، مکاتب حقوقدن یوسف سعاد، دارالفنون ادبیات شعبه سندن مأذون حقوق شعبه سنه مداوم محمد نجاتی

عالم اسلام

فاس

آژانس تلغراف لرندن آکلادیغمز کوره فاس امیری حضر تلری کال نفرته رد ایلدیکی فرانسه نیک استقراض شرائطی بودفعه تمامیله قبول ایلشددر.

ایشته نتیجه؛ محسبات یومیه میه مستند سیاستلر دن شکایت وسیله سیله کیچن هفته کی تمیز مزده محق اولدیغمز کویستریور. عبدالحمید واری اولان بوقبیل بولنیقه لر البته بویله خجالتله نتیجه لیر. تأسف اولور که فاس حکومتی آلان موقع نیک وخامتی تقدیر ایدیه میور، اجانبک نه درجه لرده مطمح نظاری اولدینی دوشونمک ایسته میور.

فاس رجال حکومتی تأمل ایتملیدرلر که؛ حال حاضر لرینک دوامی فرانسه و آلمانیا منافعه نده کی تضاد تأمین ایدیور. فقط بو وضعیت طول مدت تمادی ایدیه مز. برکون اولور که اختلاف مبدل ائتلاف اولور. نته کیم صوک هفته وقایعی اوکونک بک یا قلا شمش اولدینی انکار قبول ایتمز صورتده نظاره جاریور.

آژانس تلغراف لری اسپانیالیلرک دائره نفوذنده بولمق حسبیه بالنسبه مأمون الغائله بولنان نقاطک آلمانیا جانبدن امیر مرحوم مولای حسن حضر تلری طرفندن کندیلرینه ترک ایدلمش اولدینی ادعاسیله اشغاله باشلانلدیغنی خبر ویریور.

اسپانیا طبیعیدر که لندن قاچیرمقده اولدینی باغلی پارچه دن طولانی متأثر و متلاشی اوله جق - نته کیم پروتستولرده بولمشددر - فقط ضعیف طولانیسیله (الحکم لمن غلب) دستور لایتغیرینه سرفرو

دولتمز طرفندن تونسہ بخش اولنان فرمان اقتضاسنجه والی تحدید حدوده دائر مقاوله عقدینه مأذون اولدیغندن وهله شو قرار دولتمزجه فرمانك لهمزه اولان بر حکمنی اسقاط و طولایسیله استناد ایتکده اولدیغمز اساسك طرفزدن نقضنی انتاج ایدر بر حال شککنده تلقی اولنه بیلیرسه ده فرمانده کی اوقیدك متبوع ایله تابع آرسنده داخلی امورده اتخاذ اولنان بوقیل تدابیر حدودیه به شمولی اولیوب تونس بکنك استقلال خارجی به تعلق ایدن حکومت اجنبیه ایله معاهده عقدینه مصروف بولمسنندن ناشی شو حرکت مزله فرمانك حکمنه قطعاً خلل طاری اوله میه جنسندن حوادتك صحیحی حالتده قاینه مز بالنتیجه احراز موفقیت ایتش دیمکدر .

بجرائلی بر صروده پک چوق کشمکش غوائل آرسنده بوقدر جق اولسون بر موفقیت تأمینیه مستلزم شکراندر .

معلومدر که تونس دولت علیه عثمانیه به تابع بر ایالت اسلامیهدر . معهود جزائر بکی حسین دایینك توقادی مسئله سنندن تولد ایدن جزائر فلاکتدن صوکره دولت آفریقاده کی حقوقی برقات دها محافظه به ساعی اوله رق تونس و طرابلس غربیه عسکر و پولتیقه مأموری اولق اوزره رستم پاشایی کوندرمش وقول اوغلی نامنده کی اداره محلیه بی قالدیرمش ایدی . حتی طرابلس غربیه ولایت تشکیلاتی بوسره لرده یالیشدر . کوستردیکمز شودقت و تیقظ اول زمانلر دخی تونسک استقلالندن بحث ایتکده اولان فرانسه حکومتك اشتمزازینی موجب اولمش و فقط تونسک دولته اولان روابطی انکار اولنه ماز درجه ده ظاهر و عیان اولدیغندن و دولتک محارباتده تونسدن عسکر بیله آلمقده اولدینی جمله جه مشهود بولدیغندن شو اشتمزاز بر شکل مادی اعتراض اکتسا ایدم مامشدر . مع مافیه فرانسه حکومتنده کوریان بو غریب حالت روحیه حکومتک برقات دها مسئله به نظر دقتنی جلب ایتش و مستقبلاً هر درلو سوء تفهمه محل قلامق اوزره تونس بکی صادق پاشایه بر مأموریت فرمانی کوندرلمشدر که بوفرمانده :

۱ — والیلتکک وراثت اساسی قبول اولنق صورتیه صادق پاشانک عهده سننده بر اقلدینی وحل و وقوعنده وارث اکبرک وزارت و مشیریت پایه سیله مقام ولایتیه نصب اولنه جنی .

۲ — خطبه و سکه نك نام هایونه اوله جنی .

۳ — سنجانک رنگ و شککنده قاله جنی .

۴ — تونسک محارباتده کماکان دولته معاونت وظیفه سیله مکلف بولنه جنی .

۵ — روابط موجوده آتیا دخی معتبر طوتیه جنی .

صراحتلری موجود اولدینی کبی امارتک من القدیم ویرمکده اولدینی ویرکونک عفونی و والی نك عزل و نصب مأمورین و حکامه و اجرای عدالته صلاحیتی و مواد سیاسی و حربیه و تغیر حدوددن ماعدا احوالده دول اجنبیه ایله مقاوله عقدینه ده مأذونیتی محتوی بولمقده در . دولت تونسده کی وضعیتی شو صورتله تعیین ایدنجه فرانسه حکومتی ارتق خشنود سزانی کتمه لزوم کور میهرک فرمانك تونسده قرائتنه

مانع اولمغه قالمش و فرمانی ایصاله مأمور حیدر افندی مرحومک — ویانه سفیری — قریه چیقمننی منع ایشدر . بز بو مانعته او زمانده آلدرمامش انکتره نك معاوتیه قریه چیقاراق فرمانی اوقوتتمغه موفق اولمش ایدک . فقط صوکرادن سیاست حکومته عارض اولان تدبیردن طولایی فرانسه حکومتی میدانی کنیش بولهرق تونسلیله حدندن فضله اقرضاتده بولمش و نهایت مصرده اولدینی کبی بورجرارک تکثری طولایسیله اقتصاداً تونسه تخطی به موفق اولمشدر . ایدی حاصل اولان شو موفقیتدن صوکره فرانسه حکومتی ایچون یاییله جق شیء فعلاً مداخله اسبابی احضاردن عبارت قالیوردی . جمله مزله بوفرستی دخی رقبایه تأمینده کچیکمه دک . وطنمزده بالدفعات مشاهده اولدینی کبی ینه برجاهل عشرت بکی طاشقنلقر کوسترمکه باشلامش و درحال فرانسه حکومتی بو عشرت بکنک کویا جزائر اولان تسلطانی منع بهانه سیله تونس اراضیسنده تعقیب اشیا به قویا بشدر .

بز مسئله بی ا کلامق داعیه سننده ایکن فرانسه حکومتی والی بی صیق بوغاز ایتک صورتیه بارده مقاوله سنی عقد ایتدیر بیور . و کویا بو مقاوله ایله تونس ایالت عثمانیه سی فرانسه حکومتک حمایه سنی قبول ایتش اولیوردی . بز بویله بر نتیجه بی طبعیدر که قبول ایدم مزدک . بر معتاد غصب واقعدن طولایی سیاسی و اویلا لرده بولندق . پروتستولر ایتدک . تونس بکی حقوق دول نظر نده عقدینه مأذون اولدینی بر شییء قبول ایتشدر بناء علیه کآن لم یکندر دیدک . فقط افسوس قوتک تحت تأییدنده بولمیان بوقیل اعتراضات حقوق دول علماسی محیطندن بشقه بر معکس بوله مامش و نظریات علمیه و مدونات حقوقیه نك بزم ایله برابر اولسنه و بیابیلان حق سز لنگ تأویل قبول ایتمز صورتده جلی و آشکار بولمسنه رغماً قوتمزک فقدانی باشمزده عبدالحمید بلای مبرمنک بولمنی حسیله حرکات و معاملات غصیه طور دیر یله مامشدر . نهایت دور استبداد مسائل سائرده اولدینی کبی بو مسئله بی ده علاوه ایلیکی کور دو کومرله مشروطیته دور ایله مشدر .

مع مافیه عبدالحمیدک دور منحو سننده ده فرانسه نك بوراده کی تونسلیله اوزرنده حق حمایه سی قبول اولنماش و حتی شمیدیکی تونس والیسنک فرانسه بی زیارتنده مراسم مقتضیه سفیریمزک دلالتیله وقوع بولهرق یکیدن برسوه مثال تشکیکنه میدان ویرلما مشدر . شمیدی فرانسه حکومتی موجودیتندن بحث ایتدیکمز کور دو کوملری چوزمکن ایسه بسبتون قطعنی ایسته مکده قاینه مزده چوزمکه ساعی بولمقده در . حکومتک مسلك خارجیسی حقنده قریباً اجراسی متواتر استیضاحه جواباً احتمالکه صدر اعظم پاشا حضرتلری صدره شفا ویریر معلومات ایله مسئله بی انظار عمومی به وضع بیوریرلر .

دور عالم

هندستانی تکمیل جولان ایتدکن صوکره حجاز مغفرت طرازه ، هندستان حاجیلریله برابر عزیمت ایلدک . هندستانده کی پیسلکک ندرجه ده اولدینی مقدمه یازمشدم . هندستان حاجیلری حقنده ویره جکم